

Los ntawm  
Thawj Tswj Hwm  
Thomas S. Monson



# Nws Tsis Nyob Ntawm No, Tiam Sis Twb Sawv Lawm

**N**iaj hnuv no tsuas tshuav qhov seem ntawm Kapena-us txoj kev puas tsuaj, uas yog ib lub nroog tom ntug pas dej, uas yog lub hauv paus ntawm tus Cawm seej txoj kev ua hauj lwm qhuab qhia tib neeg. Nyob ntawm no nws tau qhuab qhia hauv lub tsev koom txoos, tau qhia tom ntug dej hiav txwv, thiab tau kho tib neeg mob hauv lawv vaj lawv tsev.

Thaum Nws nyuam qhuav pib ua hauj lwm qhuab qhia neeg, Yexus tau hais Yaxayas ib co lus hais tias: “Tus Tswv uas kav ib puas tsav yam tus ntsuj plig los kav kuv lub siab, rau qhov tus Tswv tau xaiv kuv coj txoj moo zoo mus qhia rau cov neeg pluag; thiab mus nplij cov neeg uas muaj kev lwj siab, qhia txoj kev dim rau cov neeg uas raug luag ntes, thiab qhia kev thaj yeeb rau cov neeg raug txim” (Yaxayas 61:1; kuaj saib Lukas 4:18)—uas qhia meej meej hais tias twb npaj siab yuav pab Vajtswv cov tub thiab cov ntxhais txais tau kev cawm dim.

Tiam sis Yexus txoj kev qhuab qhia hauv Kalilais tsuas yog qhov xub thawj xwb. Neeg Leej Tub yeej los paub hais tias nws yuav tau mus nyob rau saum lub roob Khauj Khaum Taub Hau, ib qho ntxim ntshai kawg.

Luag muab nws ntes hauv lub Vaj Khexemanes tom qab noj Pluas Hmo Kawg, Nws cov thwj tim twb tso nws tseg lawm, luag tau nti qaub ncaug rau nws, foob plaub, thiab luag thuam nws, ces Yexus thiaj tau ev tus ntoo khaub lig mus rau saum lub roob Khauj Kaum Taub Hau. Thaum xub thawj Nws tau kov yeej es tom qab no raug luag ntxeev siab, raug luag tsim txom, thiab tau tuag saum tus ntoo khaub lig.

Raws li cov lus hauv zaj nkauj “Lub Nroog Dawb Huv” hais:

*Zaj dab neeg twb pawv hlo lawm. . . .  
Tag kis ntawd txias thiab no ntxiag,  
Thaum pom tus ntoo khaub lig tus duab  
ntxoo sawv los  
Ntawm lub roob kho siab ntawd.<sup>1</sup>*

Peb Leej Txiv Saum Ntuj Ceeb Tsheej tau muab Nws Tib Leeg Tub pub rau peb. Peb tus Tij Laug tau muab Nws txoj sia pub rau peb.

Thaum kawg tus Xib Hwb yeej muaj peev xwm thim tau, es tsis txhob ua li. Tiam sis Nws tsis tau ua li ntawd. Nws nqi los raug txhua yam tsav kom Nws thiaj cawm

tau txhua yam tsav: tib neeg sawv daws, lub ntiaj teb, thiab txhua yam uas muaj sia nyob rau haud.

Tsis muaj lwm cov lus uas cov neeg Ntseeg Yexus hais uas muaj lub ntsiab tseem ceeb tshaj cov lus uas tus tim tswv hais rau Maiv Liag Madalas thiab lwm tus Maiv Liag uas tuaj rau lub ntxa yuav kho lawv tus Tswv lub cev uas hais tias: “Ua li cas nej tuaj nrhiav tus neeg cياج ntawm cov neeg tuag no? Nws tsis nyob ntawm no, tiam sis twb sawv lawm” (Lukas 24:5–6).

Vim twb tshaj tawm li no, cov neeg uas twb muaj sia nyob thiab tuag lawm, cov uas tam sim no muaj sia nyob thiab tseem yuav tuag mus, thiab cov uas tseem tsis tau yug los thiab tseem tsis tau tuag twb tau kev cawm dim lawm.

Vim hais tias Khetos twb kov yeej lub ntxa lawm, peb yeej yuav sawv rov qab los. Nov yog txoj kev txhiv tus ntsuj plig dim. Pov Lauj sau hais tias:

“Cov neeg saum ntuj lub cev zoo tsis thooj cov neeg hauv ntiaj teb no lub cev; cov neeg saum ntuj thiab cov neeg hauv ntiaj teb no lub cev nyias zoo nyias lawm ib yam.

“Lub hnuv, lub hlis thiab tej hnuv qub nyias ci txawv nyias lawm ib yam; thiab txawm yog tej hnuv qub los ib lub yeej ci tsis thooj ib lub thiab.

“Ib yam nkaus li ntawd, lub cev uas luag muab faus, yog lub cev uas txawj tuag” (1 Kaulithaus 15:40–42).

Peb yeej xav tau lub yeeb koob xilethi-aus. Peb xav mus nrog Vajtswv nyob tas mus ib txhis. Peb xav nyob hauv ib tse neeg uas yuav nyob ua ke tas mus li.

Hais txog Nws tus uas cawm peb txhua tus kom dim kev tuag uas kav mus ib txhis, kuv hais lus tim khawv tias nws yog tus xib hwb uas qhia qhov tseeb—tiam sis Nws yeej yog ntau tshaj ib tug xib hwb xwb. Nws yog tus yam ntxwv txog kev ua neej nyob zoo tag nrho—tiam sis Nws yeej yog ntau tshaj ib tug yam ntxwv xwb. Nws yog tus kws kho mob zoo—tiam sis Nws yeej yog ntau tshaj ib tug kws kho mob xwb. Nws yog lub ntiaj teb tus Cawm Seej, Vajtswv tib Leeg Tub, Vaj Ntxwv ntawm Kev Thaj Yeeb Nyab Xeeb tus Tub, Ixayees tus Dawb Huv, uas yog tus Tswv uas sawv rov qab los lawm, uas hais tias, “Kuv yog tus thawj thiab tus kawg; Kuv yog tus uas muaj sia nyob, kuv yog tus uas luag muab tua pov tseg; Kuv yog tus uas sawv nej cev nrog rau Leej Txiv” (D&C 110:4).

“Txoj kab lus uas hais tias: ‘Kuv Paub tias Kuv tus

Cawm Seej Muaj txoj sia Nyob!’ ua rau kuv zoo siab heev.”<sup>2</sup>

Kuv hais lus tim khawv tias qhov no muaj tseeb.

#### LUS CIM

1. Frederick E. Weatherly, “The Holy City” (1892).
2. “I Know That My Redeemer Lives,” *Tej Zaj Nkauj*, naj npawb 36.

---

## QHIA LOS NTAWM TSAB XOY NO

Cov xib hwb zoo yaum kom cov uas lawv qhia kom lawv yuav muaj kev sib haum xeeb. Thaum tib neeg qhia seb lawv xav li cas thiab ib leeg mloog ib leeg cov lus, tsis yog lawv yuav muaj ib qho chaw zoo kawm xwb tiam sis lawv haj yam yuav muaj kev sib haum xeeb (saib *Teaching, No Greater Call* [1999], 63). Cov neeg uas koj qhia yuav haj yam muaj kev sib haum xeeb thaum koj thiab lawv ua siab mos siab muag hais lus tim khawv txog Yexus Khetos txoj Kev Theej Txhoj thiab Nws txoj Kev Sawv Rov Qab Los. Txoj kev sib haum xeeb no yuav pab tej yim neeg ua raws li Thawj Tswj Hwm Monson cov lus ntuas uas pab ib yim neeg peem los ua ib “tsev neeg uas nyob ua ke tas mus li.”

## COV HLUAS

### Nws Qhia Kev rau Peb Taug Rov Qab Mus Tsev

“**T**us Cawm Seej tau los nyob hauv ntiaj teb no los qhia peb seb peb yuav tsum ua neej nyob li cas raws li txoj hau kev uas tau npaj tseg saum ntuj ceeb tsheej—ib txoj hau kev, yog peb yuav ua raws, ces peb yuav muaj kev zoo siab. Nws tus yam ntxwv qhia peb seb peb yuav tsum ua li cas peb thiaj yuav rov qab mus rau peb Leej Txiv Saum Ntuj Ceeb Tsheej lub tsev. Tsis tau muaj dua lwm tus neeg uas tau ‘ua ruaj nrees thiab tsis txav li’ (Mauxiyas 5:15). Nws yeej tsis tau tig ntawm nws tej hauj lwm mus. Nws rau siab ntso ua raws li Leej Txiv lub siab nyiam, thiab Nws tau ua raws nraim li Nws txoj hauj lwm uas los saum ntuj ceeb tsheej los. . . .

“Nej sawv daws yog ib qho ntawm txoj hau kev uas tau npaj tseg ua ntej tsim ntuj tsim teb raug ntawd. Txij thaum sawv daws kam txais txoj hau kev no nej tau npaj siab los nyob hauv ntiaj teb thaum lub caij nyoog no. Tsis yog nej lam tau lam los nyob hauv ntiaj teb tam sim no. Nej ‘txoj kev ntseeg heev thiab tej hauj

lwm zoo' (Amas 13:3) twb pua lub hauv paus lawm xwv kom nej yuav ua tau txhua nrho yog tias nej yuaj rau siab ntseeg thiab mloog lus. . . . Nej muaj tej hauj lwm zoo heev uas nej yuav tsum ua. Yog nej yuav ua tau nej txoj hauj lwm uas los saum ntuj ceeb thseej los thiab ua

nej nyob raws li txoj kev cawm seej ces, nej yuav tsum ua ruaj nrees thiab tsis txav li."

Elaine S. Dalton, lub Koom Haum Ntxhais Hluas tus tuam thawj tswj hwm, "At All Times, in All Things, and in All Places," *Liahona*, Tsib Hlis Ntuj 2008, 116.



Kev Ntseeg • Tsev Neeg • Kev Pab

# Lub Ntsiab ntawm lub Koom Haum Niam Tsev

*Ua tib zoo thov Vajtsuv kawm tej yam no thiab, thaum tsim nyog ua, sib tham txog tej no nrog cov viv ncaus uas koj mus xyuas. Siv tej lus nug no pab koj txhawb koj cov viv ncaus lub zog thiab ua kom lub Koom Haum Niam Tsev muaj feem hauv koj lub neej.*

**T**haum nyuam qhuav hu peb los ua ib pawg thawj tswj hwm, peb tau txais me ntsis ntaub ntawv uas qhia txog lub Koom Haum Niam Tsev zaj keeb kwm. Peb tau thov Vajtsuv thiab kawm tej ntawv ntawd, vim xav paub seb lub Koom Haum Niam Tsev muaj tej lub ntsiab dab tsi thiab seb tus Tswv xav kom peb ua li cas. Peb kawm hais tias lub ntsiab rau lub Koom Haum Niam Tsev raws li tus Tswv teem tseg yog kom txhim tsa, qhia, thiab txhawb nqa Nws cov ntxhais kom lawv yuav npaj los txais yuav tej koob hmoov ntawm lub neej uas nyob mus ib txhis.

Kom thiaj ua tau lub Koom Haum Niam Tsev lub ntsiab no kom tiav, tus Tswv tau txhib txhua tus viv ncaus thiab tag nrho lub koom haum no kom ua li no:

1. Haj yam muaj kev ntseeg thiab ua neeg ncaj ncees.
2. Ntxiv dag zog rau tsev neeg thiab lub vaj lub tsev.
3. Muab kev pab thaum ua hauj lwm pab tus Tswv thiab Nws cov me nyuam.

Peb tsuas muaj peev xwm ua li no thaum peb ua raws li tus Tswv txoj hauv kev thaum peb nrhiav,

txais, thiab ua raws li tej kev tshwm sim uas peb tau. Yog tias peb tsis tau kev tshwm sim rau peb tus kheej, peb yuav ua tsis tau li. Yog tias peb ua raws li tej kev tshwm sim uas peb txais, peb yuav poob qab tsis tau. Tus yaj saub Nifais qhia peb tias tus Vaj Ntsuj Plig Dawb Huv yuav qhia peb “txhua yam uas peb yuav tsum ua” (2 Nifais 32:5). Peb yuav tsum nyob ntsiag to kom peb thiaj yuav hnov tau tus Ntsuj Plig lub suab.

Cov viv ncaus es, peb muaj ntiag tug hauj lwm tseem ceeb heev uas yuav pab ua Vajtsuv lub nceeg vaj thiab npaj kev rau tus Tswv rov qab los. Tiag tiag mas, yuav ua tsis tau tus Tswv txoj hauj lwm no yog tias Nws cov ntxhais tsis los pab ua thiab. Yog li ntawd, tus Tswv thiaj xav kom peb yuav haj yam sib zog pab. Nws xav kom peb yuav pab ua kom lub Koom Haum Niam Tsev ua raws li nws lub ntsiab ntau tshaj yav tas los lawm.

*Julie B. Beck, Koom Haum Niam Tsev tuam thawj tswj hwm.*

## Los ntawm cov Vaj Lug Kub

Kev Cai 6:5–7; Lukas 10:30–37; Yakanpaus 1:27; 2 Nifais 25:26; Mauxiyas 3:12–13

## Los ntawm Peb zaj Keeb Kwm

Nyob hauv lub Koom Haum Niam Tsev ib txoj kev sib ntsib thaum lub Rau Hli Ntuj hnuv tim 9, 1842, tus Yaj Saub Yauxej Xamiv qhia cov muam hais tias lawv lub koom haum no “tsis yog los pab cov neeg pluag xwb, tiam sis kuj yog los pab cov ntsuj plig tau kev cawm dim thiab.”<sup>1</sup> Txoj kab lus uas hais txog sab ntsuj plig thiab sab cev nqaj daim tawv tib si twb yog qhov uas ua lub hauv paus rau tag nrho lub Koom Haum Niam Tsev zaj keeb kwm. Hauv xyoo 1906 Thawj Tswj Hwm Joseph F. Smith (1838–1918) qhia hais tias: “[Lub Koom Haum Niam Tsev] tsis yog los pab cov neeg pluag, cov neeg uas muaj mob thiab cov neeg txom yem xwb, tiam sis ib qho ntawm lawv txoj hauj lwm—thiab yog qhov tseem ceeb tshaj plaws, yog—kom saib xyuas Xi-ooos cov ntxhais thiab cov niam sab ntsuj plig thiab pab txhiv lawv dim; xyuas kom tsis txhob xyeej ib tug neeg pov tseg, tiam sis pov hwm txhua tus ntawm kev txom nyem, kev nyuaj siab, kev tsaus ntuj nti, thiab tej kev phem uas tawm tsam lawv hauv ntiag teb no.”<sup>2</sup> Hauv xyoo 2001 Txwj Laug M. Russell Ballard ntawm Pawg Kaum

Ob tug Thwj Tim rov qab hais tias,  
“Txhua tus muam hauv lub Koom  
Txoos no uas tau nrog tus Tswv sib  
khi lus tseg yeej raug txib saum ntuj  
ceeb tsheej los pab cawm tej ntsuj

plig dim, koj cov poj niam hauv  
ntiaj teb no txoj hau kev, ntxiv dag  
zog rau tej yim neeg hauv Xi-oos,  
thiab pab txhim tsa Vajtswv lub  
nceeg vaj.”<sup>3</sup>

#### **LUS CIM**

1. Joseph Smith, *History of the Church*, 5:25.
2. *Teachings of Presidents of the Church: Joseph F. Smith* (1998), 185.
3. M. Russell Ballard, “Women of Righteousness,” *Liahona*, Kaum Ob Hlis Ntuj 2002, 39.

#### ***Kuv Yuav Pab Li Cas?***

**1.** Kuv tau txais kev tshwm sim zoo li cas uas yuav pab kuv cov viv ncaus ntxiv rau lawv txoj kev ntseeg thiab kev ua neeg ncaj ncees thiab ntxiv dag zog rau lawv tsev neeg thiab lawv vaj lawv tsev? Kuv muab tau kev pab li cas?

**2.** Kuv yuav siv tsab xov xwm no li cas kom thiab ntxiv tau zog rau kuv txoj kev ntseeg thiab pab kuv haj yam rau siab ntso ua neeg ncaj ncees?

Kom tau ntaub ntawv xov  
xwm ntxiv, cia li txuas rau  
[www.reliefsociety.lds.org](http://www.reliefsociety.lds.org).